



## SLUŽBA ZA REVIZIJU FINANSIJSKOG POSLOVANJA

Na osnovu člana 14. stav (1) Zakona o finansiranju političkih stranaka («Službeni glasnik BiH» broj 22/00 i 102/09), člana 24. Pravilnika o godišnjim finansijskim izvještajima političkih stranaka («Službeni glasnik BiH» broj 61/06), a u skladu sa članom 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH» broj 103/08), izdajem

### IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2008. GODINU HRVATSKOG KRŠĆANSKOG DOMOVINSKOG PREPORODA

Broj: 03-07-6-80/09  
Sarajevo, 24. februara 2010. godine

## SADRŽAJ

MIŠLJENJE REVIZORA .....	3
1. UVOD .....	4
2. PREDSTAVLJANJE POLITIČKE STRANKE .....	4
3. OPIS PREGLEDA I KONTROLE FINANSIJSKOG IZVJEŠTAJA .....	5
Predmet pregleda i kontrole .....	5
Cilj pregleda i kontrole .....	5
Obim pregleda i kontrole. ....	5
4. PRETHODNE KONTROLE I REVIZIJE .....	5
5. NALAZI I PREPORUKE .....	5
5.1. NALAZI.....	5
5.2. PREPORUKE .....	6

## MIŠLJENJE REVIZORA

Služba za reviziju finansijskog poslovanja u Centralnoj izbornoj komisiji Bosne i Hercegovine izvršila je pregled godišnjeg finansijskog izvještaja Hrvatskog kršćanskog domovinskog preporoda za 2008. godinu.

Rukovodstvo stranke je odgovorno za finansijske izvještaje, postupanje stranke u skladu sa Zakonom o finansiranju političkih stranaka i uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Na osnovu našeg pregleda utvrđeno je sljedeće:

- 1. Na osnovu obavljenog pregleda godišnjeg finansijskog izvještaja utvrđeno je da je Hrvatski kršćanski domovinski preporod prekršio odredbe člana 11. stav (3) i (4) Zakona o finansiranju političkih stranaka.**

**Na osnovu našeg pregleda, odnosno kontrole finansijskog izvještaja, osim gornje napomene pod 1., nismo zapazili ništa značajno što bi ukazalo na nedostatke u finansijskom izvještaju ili finansiranju ove političke stranke suprotno odredbama Zakona o finansiranju političkih stranaka.**

## 1. UVOD

Služba za reviziju finansijskog poslovanja u Centralnoj izbornoj komisiji BiH (u daljem tekstu: Služba za reviziju) je izvršila pregled godišnjeg finansijskog izvještaja Hrvatskog kršćanskog domovinskog preporoda za 2008. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja politička stranka je iskazala prihode u iznosu od 20,44 KM, čija struktura je data u sljedećoj tabeli:

<b>Red. br.</b>	<b>Vrsta prihoda</b>	<b>Iznos u KM</b>	<b>Učešće u Uk.prih. %</b>
1	Članarina	0,00	0,00%
2	Prilozi fizičkih lica	0,00	0,00%
3	Prilozi pravnih lica	0,00	0,00%
4	Prihodi od imovine	0,00	0,00%
5	Prihodi od pr.lica	0,00	0,00%
6	Prihodi od poklona	0,00	0,00%
7	Prihodi iz budžeta	20,44	100,00%
	Ostali prihodi		
	<b>Ukupni prihodi:</b>	<b>20,44</b>	<b>100,00%</b>

U godišnjem finansijskom izvještaju Hrvatski kršćanski domovinski preporod je iskazao ukupne rashode u iznosu od 910,50 KM.

## 2. PREDSTAVLJANJE POLITIČKE STRANKE

Naziv političke stranke: Hrvatski kršćanski domovinski preporod. Skraćeni naziv: HKDP.

Politička stranka je registrovana 24.09.1997. godine u Kantonalnom sudu u Širokom Brijegu, broj upisa R 13/97.

Sjedište političke stranke je u Ljubuški, Zrinskofrankopanska bb.

Lice ovlašteno za zastupanje stranke je Ante Paponja, predsjednik.

Lice ovlašteno za podnošenje finansijskih izvještaja za 2008. godinu je Dane Herceg.

Prema podacima iz finansijskog izvještaja Hrvatski kršćanski domovinski preporod nema organizacione dijelove nižeg nivoa (entitetske, kantonalne, opštinske).

### 3. OPIS PREGLEDA I KONTROLE FINANSIJSKOG IZVJEŠTAJA

**Predmet pregleda i kontrole** je godišnji finansijski izvještaj Hrvatskog kršćanskog domovinskog preporoda za 2008. godinu.

**Cilj pregleda i kontrole** je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja navedenih zakona, ocjenjuje da li je potrebno izvršiti terensku reviziju da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

**Obim pregleda i kontrole** finansijskih izvještaja Hrvatskog kršćanskog domovinskog preporoda za 2008. godinu obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

### 4. PRETHODNE KONTROLE I REVIZIJE

U prethodnom periodu izvršena je revizija godišnjih finansijskih izvještaja Hrvatskog kršćanskog domovinskog preporoda za 2004., 2005. i 2006. godinu, nakon kojih su izdati izvještaji o reviziji sa mišljenjem revizora, nalazima i preporukom revizije da treba postupati u skladu sa odredbama člana 8. stav 1., člana 11. stav 3. i člana 20. Zakona o finansiranju političkih stranaka, odnosno člana 11. stav 2. Zakona o finansiranju političkih stranaka i člana 15.1. stav 1. Izbornog zakona BiH. Služba za reviziju je izvršila pregled godišnjeg finansijskog izvještaja za 2007. godinu i izdala izvještaj o pregledu sa mišljenjem revizora, nalazima i preporukom revizije da stranka treba postupati u skladu sa članom 8. stav (1) Zakona o finansiranju političkih stranaka.

### 5. NALAZI I PREPORUKE

#### 5.1. NALAZI

**Hrvatski kršćanski domovinski preporod je prekršio odredbe člana 11. stav (3) i (4) Zakona o finansiranju političkih stranaka.**

- Hrvatski kršćanski domovinski preporod nije dostavio obrasce godišnjeg finansijskog izvještaja za 2008. godinu u skladu sa Pravilnikom o godišnjim finansijskim izvještajima političkih stranaka, čime je prekršio odredbe člana 11. stav (3)<sup>1</sup> Zakona o finansiranju političkih stranaka.

Kontrolom je utvrđeno je da Hrvatski kršćanski domovinski preporod nije dostavio obrazac 5 (pozajmice, krediti i dugovi), što nije u skladu sa članom 5. i članom 7. Pravilnika o godišnjim finansijskim izvještajima političkih stranaka. Stranka nije popunila obrazac 3-f (prihodi iz budžeta) u skladu sa članom 19. Pravilnika jer nije navela naziv organizacionog dijela političke stranke, i broj i datum odluke. Osim navedenog, utvrđeno ja da HKDP nije u obrascu

---

<sup>1</sup> Politička stranka je obavezna da Centralnoj izbornoj komisiji Bosne i Hercegovine podnosi finansijske izvještaje na obrascima koje je odobrila CIK BiH, a čiji je sadržaj i forma propisan Pravilnikom o godišnjim finansijskim izvještajima političkih stranaka.

1 naveo podatke o nazivu suda u kojem je izvršena registracija stranke, što nije u skladu sa članom 9. Pravilnika o godišnjim finansijskim izvještajima političkih stranaka.

- Hrvatski kršćanski domovinski preporod nije ni na ponovni zahtjev<sup>2</sup> Centralne izborne komisije Bosne i Hercegovine dostavio dodatnu dokumentaciju (bruto bilans, glavnu knjigu sa analitičkim evidencijama, kopije izvoda sa transakcijskih računa, ugovore o zakupu), čime je postupio suprotno odredbi člana 11. stav (4) Zakona o finansiranju političkih stranaka.

## **5.2. PREPORUKE**

*Preporučuje se Hrvatskom kršćanskom domovinskom preporodu da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:*

- *da postupa u skladu sa odredbama člana 11. stav (3) i (4) Zakona o finansiranju političkih stranaka, odnosno*
  - *da finansijske izvještaje koje podnosi Centralnoj izbornoj komisiji BiH sačinjava u skladu sa Pravilnikom o godišnjim finansijskim izvještajima političkih stranaka, i*
  - *da dostavlja dodatnu dokumentaciju koju od nje zatraži Centralna izborna komisija Bosne i Hercegovine.*

### **KOMENTAR:**

U ostavljenom roku, Hrvatski kršćanski domovinski preporod se nije očitovao na nalaze i mišljenje raevizora dato u Preliminarnom izvještaju o pregledu godišnjeg finansijskog izvještaja za 2008. godinu.

Mr. Hasida Gušić, šef Službe za reviziju

Sanja Čabrilo, revizor

---

<sup>2</sup> Urgencija za dostavljanje dodatne dokumentacija za 2008. godinu broj: 03-07-6-80/09 od 27.10.2009. godine.